



UNIVERSITÄTS-
BIBLIOTHEK
PADERBORN

Liber Officialis Seu Agendorum Pastoralium S. Trevirensis Ecclesiae

Johann Hugo <Trier, Erzbischof>

Mogvntiae, 1688

De Sacramento Ordinis, & ordinandorum qualitatibus.

[urn:nbn:de:hbz:466:1-75322](https://nbn-resolving.org/urn:nbn:de:hbz:466:1-75322)

nos cum omnibus Sanctis, & Electis tuis semper facias congaudere.

Deus, in cujus miseratione, animæ fidelium requiescunt, famulis, & famulabus tuis omnibus, hîc, & ubique, in Christo quiescentibus, da propitius veniam peccatorum, ut à cunctis reatibus absoluti, tecum sine fine latentur. Per eundem Dominum nostrum Jesum Christum, qui &c.

✠. Requiescant in pace. R. Amen.

Aspergitur sepulchrum & circumstantes, & Pastor recedit.

DE SACRAMENTO ORDINIS.

E piscopi à Spiritu S. positi sunt regere Ecclesiam Dei, Apostolo Act. 20. rum Successores & ministri facti Sacramenti Ordinis, in quorum Pontificalibus, Agendisque fusiùs quidem reperiuntur, quæ ad hoc Sacramentum spectant. Cum tamen Concil. Trident. præcipiat, Sess. 23. de reform. cap. 5. ut ad minores Ordines promovendi, à Pastore, & à magistro scholæ, in qua educantur, testimonium habeant, in Ecclesia etiam publicè propositis nominibus eorum, qui promoveri ad Ordines volunt, de natalibus, ætate, moribus & vitâ diligenter inquiratur, & literæ testimoniales ipsam inquisitionem continentes ad Episcopum transmittantur, atque hoc ipsum, exceptis Regularibus, de omnibus juxta declarat. sacre Congregat. Cardin. ad Concil. Trident. sit intelligendum. Idcirco è re visum fuit quædam ad eum finem, & ordinandorum instructionem, his quandoque opportunè à parochis communicanda, Cleri nostri ac publico bono subservientia hîc inserere, in reliquis verò, quæ de materia, forma, ministro, &c.

prior Agendorum liber complectebatur, ad Theologorum moralium libros remittere.

Q 3 DE

DE QUALITATIBUS ORDINANDORUM IN GENERE.

§. 1.

De iis, qui primâ tonsurâ & quatuor minoribus sunt initiandi.

OMnes ad Ecclesiasticos Ordines aspirantes sciant unumquemque à proprio Episcopo seu origine seu beneficii Ecclesiastici, seu domicilii in sua diocesi residente, aut pro eo Pontificalia exercente ibidem, ordinari, aut literas dimissorias proprii sui Episcopi ad alium obtinere debere etiâ pro prima tonsurâ; aliter ordinatum ab executione Ordinis jure ipso suspensum esse. Qui non est de legitimo matrimonio natus à susceptione primæ tonsuræ rejicitur, nisi propter bonam indolem, vitæ morumque probitatem & integritatem ita commendatus existat, ut cum ipso dispensetur; legitimo autê thoro natus si sit sacri christi unctio confirmatus, fidei Catholicæ rudimenta edoctus, legendi & scribendi, etiam linguæ latinæ peritus, de his requisitis, ac de vitæ morumque probitate & litteratura à proprio Parocho loci, ubi baptizatus fuit, & notabili tempore degit, testimonium habeat, ac testetur se non iudicii sæcularis fugiendi causâ, sed ut Deo liberiùs serviat, primâ tonsurâ insigniri velle, eadê initiatur. Ad minores Ordines promovendus non solum præditus sit omnibus qualitatibus ad tonsuram requisitis, sit diocesanus Episcopi ordinantis aut dimissoriis litteris munitus, linguâ latinam intelligat, nec minor sit duodecim annis, bonû testimonium habeat à parocho, & magistro scholæ, in qua studuit, de vitæ probitate, doctrinâ, indole, & ingenio, talemque se præbeat, ut se non commoditatis suæ, sed Dei causâ ad Ordines aspirare credi possit.

§. 2.

De sub- & diaconandis, ac presbyterandis.

Constit.
Archi-Ep.
1678. 10.
Novemb.

Qui verò ad Ordines majores se præsentare voluerint juxta Archi-Episcopalem nostram constitutionem, ne perversâ intentione aut temporalis emolumenti aut alimenti causâ potiùs, quàm ut in Ecclesia Dei suam aliorumque salutem operentur, ad tam sanctum statum accedant, se seque Deo obstringant tam arctâ obligatione, diligenti examine in secessu apud religiosos homines solitariè perpendant,

pendant, num se ad sublime illud vitæ genus, divino nutu vocatos agnoscant, neque enim quisquam sumit honorem (ut ait Apostolus) sed qui vocatur à Deo tanquam Aaron : Num etiam acceperint à Deo ea, quæ ad ministeria Ecclesiastica requirantur : quos enim vocavit , hos & idoneos fecit ministros novi testamenti. De quibus exercitiis in religiosa aliqua solitudine peractis, coram curiæ Archi-Episcopalis Sigillifero etiam titulos sive beneficiales sive patrimoniales vel pensionum fideliter & maturè exhibeant, non falsos seu fictitios, aliundè à Decanis, Pastoribus aut quibuscunq̃ue accommodatos, atque in Ecclesiæ fraudem emendicatos : qui tales accommodarint aut exhibuerint, præter multam pecuniariam pro arbitrio infligendam, pœnæ suspensionis sint subjecti. Titulus patrimonii sit in instrumentum coram curiis locorum erectum cum accurata hypothecarum seu bonorum descriptione redactus, valoris ad minimum sexaginta imperialium censûs. Ad hos Ordines assumendi cantum Gregorianum seu choralem calleant, ne muti in choro, aut mutis ob inconcinnitatem cantûs deteriores reperiantur. Et ne domus Dei repleatur ignavis fucis, qui alieno melle delictari, operæ autem, studii atque laboris nihil in commune bonum conferre volunt, frantq̃ue animarum Christi pretioso sanguine redemptarum latrones & homicidæ, qui fuerant admissi, ut essent fideles Pastores. Idcirco inhæremus antecitæ nostræ, & Prædecessoris nostri CAROLI CASPARI saluberrimè ordinatæ constitutioni, ne ullus ad sacrum Subdiaconatus Ordinem ante absolutam Philosophiam promoveatur ; Ad Diaconatus verò & Presbyterii, nisi qui ad minimum biennio speculativæ aut morali Theologiæ in Gymnasio quodam sedulo vacaverit, aut saltem de actuali tali studio biennali sub manu Professoris sui sufficientem fecerit notitiam, quod illud ante susceptionem sacerdotii absolvere possit.

S. 3.

De Populi suffragio ad obtinendos à Deo idoneos Ecclesiæ ministros.

JAm inde ab initio nascentis Ecclesiæ ante ordinationes consuetas, preces & jejunia indicta fuisse novimus, in eum finem, ut cum ad utilitatem populi ac totius Ecclesiæ, ordinandorum electio disponatur, fidelis populus toto corde ad Deum convertatur, & impetret, ut Episcopi, eorumque adjutores in examinandis, deligendis, & ordinandis Ecclesiæ ministris, officio suo ritè fungantur, & tales Deus in messem suam mittendos operarios subministret, qui ei secundum cor suum in omni sanctitate, & justitia, omnibus diebus vitæ suæ in munere suo fideliter ministrent : Idcirco Pastores Verbi Dei prædicatores Dominico die quamlibet ordinationem generalem proximè antecedente populum commonefaciant, ut ad prædictum finem jejunia quatuor temporum antiquissimis temporibus sanctè instituta, pie

piè observent, junctisque precibus suffragium suum diligenter impendant.

§. 4.
*Formula litterarum testimonialium à
Parocho.*

Ego **N.** Pastor Ecclesiæ **S. N.** oppidi aut pagi **N.** hujus diœcesis Trevirensis, denuntiavi in Ecclesia mea inter missarum solennia, seu durante divino officio **N.** ex parochia mea, qui ad ordinem **N.** promoveri cupit, & postulat, & de natalibus, de vita & moribus ipsius certior fieri curavi, eumque idoneum esse existimo, quantum ex cognitis intelligere potui, qui ad prædictum Ordinem admittatur, fidemque facio, illum sæpius infra annum sacram confessionem, & communionem frequentare solitum esse, &c. In quorum fidem hoc testimonium meâ manu subscripsi, & sigillo Ecclesiæ meæ munivi. Datum &c.

Si verò aliquod impedimentum obesse videat, illud Episcopo ordinaturo significet.

DE SACRAMENTO MATRIMONII

Et primò de sponsalibus futuri conjugii.

§. 1.
Sponsalium Obligatio.

Quotidiana docet experientia, matrimonia temerè, & præproperè contracta infinitas parere difficultates, & infelices sæpè exitus sortiri, idcirco rectè ordinatum est, ut sponsalia (quæ futuri matrimonii promissionem, & reciprocam utriusque obli-